



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitularia Regvm Francorvm

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

XVI. Iudicium pri Daniele Archiepiscopo Narbonensi adversus Milonem
Comitem.

urn:nbn:de:hbz:466:1-22974

donasse, ut omni tempore Missæ ibidem decensitate esse debeant, petivi à vobis ut de ipsis duabus partitionibus nisi compendium faceretis, quod ita fecistis, ut dum ego viverem, hoc per vestrum compendium habere debeam. Et ego pro ipso compendio dedi vobis de ratione sancti Iuliani villam cui vocabulum est Blanciago unà cum agencia sua vel servos vel tributa quod exinde exire debet annis singulis, libras 11. partitionum de ipsa villa Maceriago in vos villas sum emisisse; ut si in tempore aut post tempus ego vobis * petro iudicium facere voluero aut fecero, * spondionis vobis desolvere partibus vestris aut successoribus vestris, qui tunc temporis post fuerint, auri libram 1. & ipsam villam Blanciago in vestra revocatione ponam, & inantia vestra compendius vos dominus recognoscat, & presens precaria mea in vos scripta omni tempore firma stabilita perduret. Facta carta precaria mense Septembris x 11. anno Donno Vvayfario Principe. Teste Gideon. Manu Garionis. Manu Berterio. Manu Artimio.

* s pro hoc
* spondio
nos.

X V.

Preceptum Pippini Regis pro monasterio Iuncellens.

An. 768
Ex archivo
monasterij
Iuncellen-
sis.

IN nomine sanctæ & individuæ Trinitatis. Pippinus divina ordinante providentia Rex universis fidelibus. Cùm locis Deo dicatis eisque inibi Deo servientibus quippiam muneris conferimus, id nobis procul dubio ad æterni regni præmium consequendum profuturum cognoscimus. Quamobrem noverit solertia cunctorum sanctæ Dei Ecclesiæ filiorum quia adiens nostri culminis serenitatem Benedictus Abbas sancti Petri Iuncellensis monasterij, quod est situm in territorio Bittertensi, petiit ut ipsum monasterium restitueremus & de nostris regalibus viris auferemus. Cujus denique preces clementer audivimus, & ad meliorandum locum ipsi servisque Dei illic militantibus benignè aliquid largimur, scilicet de fonte pallagij usque ad tertiam nigram, abhinc etiam usque ad fontem Alder, & inde usque ad fontem Orbi, & descendit ad terminum tabule, & inde iterum usque ad fontem pallagij, ut necessitatibus eorum supplementum conferatur. Prædictum autem Iuncellense monasterium cum hac nostra largitione vel cum reliquis possessionibus quas in præsentia possidet vel quæque deinceps in jure ipsius monasterij aut per nos aut per alios quosque divina pietas augere voluerit, sub nostro mundeburdo nostræque libertatis defensione omni tempore possidere mandamus. Et propterea jubemus ut nulla potestas neque quislibet hominum ipsas possessiones præsumat aliquando à potestate five dominatione jam dicti monasterij minuere vel subtrahere; sed liceat Benedicto Abbati & successoribus suis cum ipsius loci congregatione sine alicujus minoratione quietè integerrimèque possidere. Et per nostram etiam auctoritatem monachi ibi Deo servientes libertatem semper habeant potestatem ex se ipsis Abbates eligere secundum beatissimi Benedicti regulam, quatenus pro stabilitate totius nostri regni misericordiam Dei im-

Tom. II.

plorare delectent. Ut autem hæc largitio & liberalitas nostræ magnificentie rata & inconvulsa omni tempore permaneat, manu propria subternotavimus & anuli nostri impressione sigillari fecimus.

Signum Pippini gloriosi Regis.

Ilachar Notarius ad vicem Hermoler. recognovit & signavit.

Datum mense Junio feria tertia anno v 1. Pippini Regis. Actum villa Pontigonis anno Domini 762.

Error heic est in numeris. Nam Pippinus regnavit per annos tantum sexdecim. Itaque rependendum videtur xvi. pro xxxvi. Nota annorum Christi videtur addita nullo post tempora Pippini.

XVI.

Iudicium pro Daniele Archiepiscopo Narbonensi adversus Milonem Comitem.

IN Dei nomine. Hæc est notitia traditionis iudicium. Cùmque residerent Missi gloriosissimo atque sceleratissimo Domino nostro Carulo Rege Francorum in Narbona civitate, die Martis, per multorum altercationes audiendas & rectis negotiis terminandas, & per ordinatione de suis Missos, id est, Vvaltario, Adalberto, Fulcore, & Guibvino, & Vassis dominicis, id est, Rodeflagnus, & Abundantius, & Iudices qui iussi sunt causas dirimere & legibus definire, id est, Gontario, Discolio, Leoderico, Petro Bona-vita, & Sisfredo, & aliorum bonorum hominum qui ibidem aderant, id est, Garibertus, VVidalus, Ingobertus, Arvinus, VVicar, VVulfulfus, Acila, Samuel, Donadeus, Argemundus, Vrsione, Argimiro, Anselmo, VVarnario, in eorum iudicio vel præsentia quos causas fecit esse presentes. Cùmque ibidem residerent præscripti Missi & Iudices vel plures bonis hominibus in Narbona civitate ad rectas justitias terminandas & causarum exordia dirimendas in eorum præsentia; ibique in supradictorum iudicio veniens homo nomine Arliunus, qui est assessor vel causlicus & mandatarius Danielo Archiepiscopo, & per ordinatione de Domino & Regi nostro Karulo Rege, & dixit. Iubete me audire cum isto præsentem Milone Comite, quia tales villas qui sunt in pago Narbonensi de causa Ecclesiarum sanctorum Iusti & Pastoris, & S. Pauli, & sancti Stefani in pago Narbonensi, eis retinet malum ordinem injussè. Hæc sunt nomina de ipsas villas. Quincianus, & Mutianus, Ecclesiarum sunt medius. Villa Pucio, Valeri, & Baxanus, & Malarius villa sunt ultra ponte septimo, causa est Ecclesiarum ab integrè sanctorum Iusti & Pastoris. Villa Trapalianicus, Paredinas, Agello, Medallano, Buconiano, Follopiano, Anniciano, ex medietate. Magriniano, Leccas, Centopenus, Cristimanicus, Petruccio, ab integrè. Cannedo, Troilo, Laureolis curte, Oliva media, Prexanus media, Caunas, Nivianus, infra insola Leccas. Villa Gorgociano, Caunas, Casolis, Baias, Vrsarias, Quiliano, ab

An. 781.
Ex archivo
Archiepiscopi
Nar-
bonensis.

T T t

integrè. Lapedeto, ipsa quarta parte Colonicas, Meicuriano, ipsa quarta parte Maglaco, fonte dicta Buconiano, Callano, Concuca larga, Abuniano, ex medietate, Leoniano, ex medietate, Suburbe Sala super ponte septimo, in valle Gabiano, ex medietate. Crotas, Cagnano, sancti Marcelli, Villa Totonis, sancti Georgij, Villa Ciliano, sancti Crescenti, sancte Mariæ Segelona, ex medietate. Gragnano villa, Aquaviva, ex medietate. Rufiniano, ex medietate. Omnia & in omnibus quantum ibidem retinebat jam perscriptus Archiepiscopus pro causa Ecclesiarum sanctorum Iusti & Pastoris, & sancti Pauli, & sancti Stefani, quod ego jandictus Arloinus, qui sum assertor vel causilicus & mandatarus de jandicto Archiepiscopo Danielo, hoc adprovavi per series condiciones, quod iste Milo Comes retinet ipsas villas malum ordinem injustè, & invasit de potestate de isto jandicto Archiepiscopo, cujus ego mandatarus sum. Tunc nos Missi, Vassi dominici, & Iudices interrogavimus jandicto Milone Comite: Qui respondis ad isto Arloino, qui est mandatarus de jandicto Archiepiscopo de hac causa: Tunc Milo Comes in suum responsum dixit: Ipsas villas senior meus Karolus Rex mihi eas dedit ad beneficio. Tunc ipsi Missi, & Iudices, & Vassi dominici interrogaverunt Milone Comite si potebat habere condiciones, aut recognitiones, aut judicium, aut testes, pro quibus ipsas villas partibus suis retinere deberet. Tunc Milo Comis dixit. Non habeo nullum judicium veritatis, nec nulla testimonia, pro quibus ipsas villas partibus meis vindicare debeam, nec in isto placito, nec in alio, nec in tertio, nec ulloque tempore. Tunc prefati Missi, Vassi dominici, & Iudices interrogaverunt Arloino, qui est assertor vel causilicus & mandatarus de jandicto Danielo Archiepiscopo, si potebat habere tale testimonia pro quibus hoc quod dicebat super Milone Comite, hoc legibus aprovarè potuisset. Et tunc assertor Arloinus, & dixit sic, Habeo unde pro judicio de suprascriptis Missos, Vassis dominicis, & Iudices. Arloinus mandatarus suam agramavit testimonia. Nuper veniens Arloinus ad suum placitum, quod arramatum habuit, & ibidem sua testimonia protulit bonos homines idoneos, his nominibus, Vndila, Aurilianus, Kairato, Narbonellus, Dodemirus, Lunares, Silentiarius, Bonus Eneus, Gumaricus, Vviteringus, Teudefundus, & Servandus: qui sic testificaverunt in suprascriptorum judicio, in facie Milone Comite, & serie condiciones hac juraverunt in Ecclesia S. Mariæ qui sita est infra muros civitatis Narbona, quia nos supranominati testes scimus, & bene in veritate nobis cognitum manet, & vidimus ipsas villas superius scriptas, cum fines & termines vel ajacentias quæ ad ipsas villas pertinent, habentes & dominantem ad Danielo Archiepiscopo, cujus iste Arloinus assertor, causilicus, & mandatarus est, pro causa Ecclesiarum sanctorum Iusti & Pastoris, & sancti Pauli, & sancti Stefani. Nam & nos Vndila, Aurilianus, Kairato, Narbonellus, Dodemirus, Lunares, Silentiarius, Bonus Eneus, Gumaricus, Vviteringus, Teudefundus, & Servandus, vidi-

mus jandictas villas, cum illorum fines & termines, habentes & dominantem Danielo Archiepiscopo, cujus iste Arloinus assertor, causilicus, & mandatarus est, ab integrè. Et cum nos prefati Missi, Vassi dominici, & Iudices videntes talem adprovationem de Arloino assertore, causilico, & mandataro Danielo Archiepiscopo, & post tanta rei veritatem bene cognovimus, altercavimus inter nos ante perscriptos Missos, Vassis dominicis, & Iudices, vel plures bonis hominibus residebant; & ordinavimus Milone Comite, ut de ipsas villas se * exigere fecisset, & Arloino assertore & mandataro Danielo Archiepiscopo per suum saionem ^{* etiam} revestite fecisset; sicut & fecit. Et congaudeat se Arloinus assertor, causilicus, & mandatarus Danielo Archiepiscopo in nostro judicio suam percepisse & habere justitiam. Dato judicio notitia traditionis 1111. Nonas Junij anno 1111. regnante Karulo Rege Francorum, Signum Milonis, qui hanc notitiam & evacuationis feci & firmare rogavi bonis hominibus, S. Garibertus, S. Vuidaldus, S. Ingobertus, S. Arvinus, S. Vuicor, S. Ergimiro, S. Anselmo, S. Vvarnario, S. Guirulfus, S. Atila, S. S. Donadei, S. Argemundus, S. Vrsio, S. Guntulfus, Teodericus, Petrus, Sigfredus. Ego Vvaltarius Notarius subscripsi. Ego Adalbertus Notarius subscripsi.

Boso, qui hanc notitiam traditionis judicij scripsit sub die & anno quibus supra.

Judicium istud à Castello edium est in Metmoris historia Occitanica pag. 742. ex chartulario Archiepiscopi Narbonensis, sed valde mendosum ac corruptum. Itaque nos putavimus heic, data occasione, recedendum esse, descriptum à nobis ex vetustissima scheda Narbonensi.

XVII.

Epistola nomine Iesu Christi scripta ævo, ut videtur, Karoli M. Regis Francorum.

IN nomine Domini. Incipit epistola Salvatoris Domini nostri Iesu Christi filij Dei, quæ in Hierosolymis cecidit, Michælo ipsam deportavit, & inventa est ad portam, * quem per manus sacerdotis per manus sacerdotis nomine Eros. Et ipsa epistola ad Erim civitatem directæ est ad alium sacerdotem nomine Leopas. Leopas verò direxit ipsam epistolam ad Cappadociam. Et tunc collecti sunt xv. Episcopi in unum, & triduanum jejunium fecerunt in vigiliis & orationibus insistentes, simulque & omnes Presbyteri, Diacones, Clerici, & omnes populi tam viris quàm mulieribus collecti sunt in unum & ploraverunt ubi inventa est & à Domino directæ epistola. Carissimi Fratres, audite & abscultate qualem nobis epistolam direxit Dominus de cælo, non tantum nisi ut corrigamus nosmetipsos de omni cæcitate hujus seculi antequam veniat ira furoris Domini super nos. Denique non pro aliud nisi sanctum diem dominicum cultuendum & decimas fideles Deo reddendum,

An. 788.
Ex codi-
ce Tatti-
conensi.
* f. Elicia